

SMJERNICE ZA NAKNADE I SAŽETAK IZUZIMANJA OD NAKNADA ŠKOLSKOG OKRUGA SALT LAKE CITY- JA

AKO TREBATE POMOĆ DA RAZUMIJETE OVO OBAVJEŠTENJE, OBRATITE SE BOBU MUENCHU na broj (801) 578-8378.

Ovaj vodič je napisan tako da vam pomogne da razumijete smjernice i procedure školskog okruga Salt Lake Cityja u vezi sa izuzimanjem od školskih naknada i ispunjavanjem uslova za izuzimanje.

Pregled

1. Zakoni države Utah dozvoljavaju naplatu naknada od sedmog do dvanaestog razreda. To znači da se vašem učeniku mogu naplatiti naknade za školski materijal, potrepštine, aktivnosti i programe.
2. Sve naknade podliježu izuzimanju.
3. Svi učenici čiji se zahtjevi za izuzimanje odbiju imaju pravo na žalbu.

Smjernice okruga za izuzimanje od naknada

Odbor za obrazovanje školskog okruga Salt Lake Cityja je usvojio i odobrio smjernice za izuzimanje od naknada i raspored naknada u skladu sa državnim zakonima. Smjernice, procedure i raspored naknada dostupni su na veb-stranici okruga: slcschools.org/board-of-education/policies/ – pomjerajte nadolje i potražite S-10: Naknade za učenike i izuzimanje od naknada.

Postupak izuzimanja od naknada.

Direktor svake škole je određen kao osoba koja pregleda zahtjeve za izuzimanje od naknada i odlučuje o njima. Okrug se pomno stara da se postupak dobijanja izuzimanja od naknada primjenjuje jednako, objektivno i blagovremeno. Također, okrug se stara da se u postupku izbjegava stigmatizacija, dovođenje u neprijatnost, nepotrebna pažnja i nerazumno opterećenje učenika i roditelja. U postupku neće biti vidljivih naznaka po kojima bi neko mogao da identifikuje podnosioca zahtjeva za izuzimanje od naknada, a učenici iz okruga (osim učenika čija se porodica/roditelj prijavljuje) ne smiju pomagati u procesu prijave. Informacije od porodica/roditelja će se čuvati u najstrožoj povjerljivosti tokom cijelog postupka.

Također, imajte u vidu da se sa učenikom koji je izuzet od plaćanja naknade neće postupati drugačije od drugih učenika i da drugim učenicima, članovima osoblja ili drugim osobama koje ne moraju da imaju tu informaciju neće biti stavljeno do znanja da je on učenik koji je izuzet od plaćanja naknada.

Uslovi za izuzimanje od naknada

Učenik ispunjava uslove za izuzimanje od naknada:

1. ako ispunjava uslove za besplatan ručak prema propisima USDA
2. ako dobija SSI
3. ako njegova porodica dobija TANF
4. ako je pod starateljskom njegom ili
5. ako je pod starateljstvom države

Uz to, ako imate finansijske probleme uzrokovane gubitkom posla, značajnom bolešću ili drugim značajnim gubitkom prihoda izvan vaše kontrole, vaše dijete će možda ispunjavati uslove za izuzimanje od naknada čak i ako drugi kriterijumi nisu ispunjeni. Čak i ako se učenik ne kvalifikuje u skladu sa ovim standardima, škola ga ipak mora izuzeti od plaćanja naknada ako će naplata naknade uskratiti učeniku mogućnost da u potpunosti učestvuje ili ispuni obavezu zbog nemogućnosti plaćanja naknade.

Međutim, da bi se učenik kvalifikovao za izuzimanje od naknade, škola mora primiti DOKUMENTACIJU koja dokazuje da ispunjava uslove. Morate popuniti odgovarajuću prijavu za izuzimanje od naknada i podnijeti je direktoru škole na pregled i odobrenje. Molbe su dostupne u glavnoj kancelariji svake škole i na veb-stranici o školskim naknadama Državnog odbora za obrazovanje države Utah na:

<https://www.schools.utah.gov/schoolfees?mid=4340&tid=3>. Čim pošaljete popunjene obrasce, obaveza plaćanja naknada će biti suspendovana dok se ne donese konačna odluka o tome da li učenik ispunjava uslove za izuzimanje od naknada. Ako molba bude odbijena, škola će vam poslati odluku i obrazac za žalbu. U obrascu će biti navedeno zašto je molba odbijena i objašnjeno kako da se žalite na odluku. Ako se žalite na odbijanje izuzimanja od naknada, nećete morati da plaćate naknade dok ne bude doneta odluka po žalbi.

Ako učenik ispunjava uslove za izuzimanje od naknada, sve naknade moraju biti izuzete, uključujući (bez ograničenja) sljedeće:

Naknade za registraciju, udžbenici, depoziti za udžbenike i opremu, školske potrepštine, kartice aktivnosti, vannastavne aktivnosti i školski ormarići; naknade za laboratorije i radionice, naknade za fiskulturnu salu i peškire; troškovi uniformi i pribora; izleti i naknade za skupove: troškovi za razredna ili timska putovanja i troškovi muzičkih instrumenata koji se koriste tokom školskih časova ili aktivnosti.

Ne postoje naknade koje se ne mogu izuzeti ili neobavezne naknade, ali se u nekim slučajevima mogu dogovoriti alternative izuzimanju od naknada (ali ne za udžbenike). Škola ne može tražiti od vas da plaćate u ratama, potpišete da ćete platiti naknade niti da pristanete na bilo koji drugi sistem odloženog plaćanja.

Naknade za razredno prstenje, godišnjake, školske slike, kožne jakne i slične predmete nisu naknade i ne moraju se izuzimati. Takođe, ako učenik izgubi ili ošteti imovinu škole, troškovi zamjene ili popravke nisu naknade i ne moraju se izuzimati. Učenik će možda morati da plati naknade za istovremeni upis ili predmete za napredni plasman. Dio naknada koji se odnosi konkretno na razrede ili kredite na nivou fakulteta ili iznad srednjeg obrazovanja ne podliježu izuzimanju od naknada. Uz to, samo učenici koji su dali predujam za udžbenike ili opremu ispunjavaju uslove za refundiranje depozita na kraju godine.

Škola i školsko osoblje ne mogu zadržati, umanjiti niti uvećati ocjene ili kredite niti zadržati ocjene, kredite, knjižice, svjedočanstva ili diplome kako bi vas primorali da platite naknade. Škola može zadržati zvaničnu evidenciju učenika koji je odgovoran za gubitak ili oštećenje školske imovine; međutim, ne može zadržati evidenciju koja će spriječiti učenika da pohađa školu ili dobije odgovarajuće mjesto u školi.

Dokumentacija za ispunjavanje uslova za izuzimanje od naknade NIJE obavezna svake godine, ali je škola ili roditelj mogu zatražiti u bilo kom trenutku radi pregleda iz opravdanih razloga. Također,

dokumentacija se NEĆE čuvati zbog razloga privatnosti. Škole mogu prenijeti informacije o ispunjavanju uslova za izuzimanje od naknada drugim školama koje učenici naknadno upišu ili u koje se premjeste.

Ako imate pitanja, prvo se obratite direktoru škole ili predstavniku školskog okruga navedenom ispod:

School Leadership and Performance Department (801) 578-8350

Ako želite primjerak potpunih procedura okruga u vezi sa naknadama i izuzimanjem od naknada, obratite se Bobu Muenchu na broj (801) 578-8378.